

AUGLÝSING

um staðfestingu á deiliskipulagi af spildu milli Flatahrauns og Máva- hrauns í Hafnarfirði.

Samkvæmt skipulagslögum nr. 19 21. maí 1964 hefur ráðuneytið hinn 12. apríl 1985 staðfest deiliskipulagsupphrátt af spildu milli Flatahrauns og Mávahrauns í Hafnarfirði.

Uppdráttur þessi hefur hlotið þá meðferð, sem lög nr. 19/1964 gera ráð fyrir og hefur verið samþykktur af bæjarstjórn Hafnarfjarðar og skipulagsstjórn ríkisins.

Félagsmálaráðuneytið, 12. apríl 1985.

F. h. r.

Hallgrímur Dalberg.

Hólmsfríður Snæbjörnsdóttir.

Nr. 175

21. mars 1985

Staðfesting forsetans á skipulagsskrá fyrir Endurhæfingarstöðvar Geðverndarfélags Íslands, útgefin á venjulegan hátt, að mandatum, af dómsmálaráðherra 21. mars 1985.

Skipulagsskráin er þannig:

SKIPULAGSSKRÁ

fyrir Endurhæfingarstöðvar Geðverndarfélags Íslands.

Geðverndarfélag Íslands stofnar hér með sjálfseignarstofnun samkvæmt eftirfarandi skipulagsskrá.

1. gr.

Stofnunin heitir Endurhæfingarstöðvar Geðverndarfélags Íslands, Reykjavík.

2. gr.

Eignir stofnunarinnar eru húseignin að Álfalandi 15 í Reykjavík, eignir Geðverndarfélagsins að Reykjalundi, allur búnaður sem Geðverndarfélag Íslands leggur stofnuninni til, svo og þær eignir sem hún síðar kann að eignast fyrir gjöf eða á annan hátt.

3. gr.

Tilgangur stofnunarinnar eru rekstur endurhæfingarstöðva fyrir geðsjúklinga af öllu landinu.

Endurhæfingarstöðvar félagsins eru samastaðir fyrir geðsjúklinga meðan á framhaldsmeðferð eða endurhæfingu stendur eftir dvöl á geðdeild. Fyrst og fremst er þeim þó ætlað að veita vistmönnum tækifæri til alhliða endurhæfingar með stuðningi og leiðsögn sérmenntaðra aðila.

4. gr.

Stjórn Geðverndarfélags Íslands skipar 7 manna stjórn stofnunarinnar til 5 ára í senn. Stjórn Geðverndarfélagsins skipar formann, en að öðru leyti skiptir stjórnin sjálf með sér verkum. Hætti stjórnarmeðlimur störfum, skipar stjórn Geðverndarfélagsins mann í hans stað að fengnum tillögum annarra stjórnarmeðlima.

Stjórn stofnunarinnar kveður á um rekstursfyrirkomulag að Álfalandi 15 og ræður starfsfólk. Hún kýs úr sínum hópi 3ja manna starfsstjórn, sem hefur umsjón með rekstrinum og tekur ákvarðanir um dvöl.

Rekstur endurhæfingarstöðvarinnar að Reykjalundi hefur þegar verið falinn S.Í.B.S. með samningi frá 26. september 1967 og viðbótarsamningi frá 21. nóvember 1971.

5. gr.

Stofnunin leitar rekstrarleyfis fyrir endurhæfingarstöðina að Álfalandi 15 í samræmi við lög nr. 41/1983 og lög nr. 59/1983 og fáist leyfið, fer um reksturskostnað í samræmi við 28. og 33. gr. laga nr. 41/1983.

6. gr.

Reikningsár stofnunarinnar er almanaksárið. Reikningar skulu sendir ríkisendurskoðun og heilbrigðis- og tryggingamálaráðherra, er þeir hafa hlotið samþykki stjórnarinnar.

7. gr.

Breytingar á þessari skipulagsskrá er því aðeins unnt að gera, að þær séu samþykktar á aðalfundi Geðverndarfélags Íslands og af heilbrigðis- og tryggingaráðherra.

8. gr.

Verði stofnunin lögð niður, skulu eignir hennar renna til hliðstæðra verkefna og um er rætt í 3ju grein.

9. gr.

Leita skal staðfestingar forseta Íslands á þessari skipulagsskrá.

16. apríl 1985

Nr. 176

AUGLÝSING

um breyting á gjaldskrá fyrir Vatnsveitu Vestmannaeyja nr. 31 2. febrúar 1982.

1. gr.

1. málsgrein 3. gr. orðist þannig:

Fyrir afnot vatnsins skal greiða samkvæmt vatnsmæli kr. 9,00 fyrir hvern rúmmetra vatns.

2. gr.

1. málsgrein 4. gr. orðist þannig:

Greiðsla fyrir vatn, sem afgreitt er til skipa og báta í Vestmannaeyjahöfn, skal vera kr. 18,00 fyrir hvern rúmmetra vatns. Einnig skal greiða í afgreiðslugjald kr. 188,00 ef vatnið er afgreitt á virkum dögum kl. 8—17, en kr. 360,00, ef afgreiðsla fer fram á öðrum tímum.

Gjaldskrá þessi, sem samþykkt er af bæjarstjórn Vestmannaeyja staðfestist hér með samkvæmt vatnalögum nr. 15 20. júní 1923 til þess að öðlast gildi þegar í stað.

Félagsmálaráðuneytið, 16. apríl 1985.

F. h. r.

Hallgrímur Dalberg.

Hólmfríður Snæbjörnsdóttir.